

選

錄

京

報

署理欽差大臣督辦新疆軍務通政使司通政使二等男臣劉錦棠跪 奏為新疆遠在邊荒情形迥殊內地請 旨飭將命盜案件暫行變通辦理以期妥速而歸簡易恭摺仰祈 聖鑒事竊查安集延逆酋阿古柏佔據新疆十有餘載弱肉強 食民氣益趨向來繼同殺死人命均由兇犯出買命銀數兩至數十兩不等給與屍親從無抵償之說阿古柏惟利是圖變本加厲以致殷實士豪視殺人為兒戲而搶劫之風亦因之日甚臣於光緒三年由托克遜進規南路每克一城即傳集該 地民人宣布 朝廷德威飭令溝瀆汚俗共保身家並責成各頭目挨戶勸導如仍前不法聞知後立即扭送懲辦頭目容隱不報一經查出併行究治續經大學士前陝甘督臣左宗棠詳刊 聖諭十六條附律易解一卷刷印多本分發各城 義塾及大小伯克頭目誦讀解諭並令傳告鄉民共知觀感察察近日情形從前貪忍悍習氣似已稍戢聞有惡不畏死殺斃一二命與伙眾持械搶劫初訊明供認確鑿無疑法難曲宥者以地方甫經收復民志未定即依軍法就地處法懲 辦其情節稍輕之犯分別擬以管押繫押柳枷並酌量時日久暫答杖多寡取保釋放案結後均摘叙案由及辦理各節繕簡明通俗告示張貼市鎮通衢並犯事地方俾頑梗兇徒見之互相傳述冀可收革面洗心之效惟南路各城相距 近者數百里遠者至一二千里郊關之外大都戈壁曠野往往行數日程渺無人烟解犯就道時有戒心非節次派勇防護不可自吐魯番以西僅有善後總分各局向無州縣及例設監禁禁役即略知例案之幕友亦因離家遠窺為畏途無從 延請是以平日辦事既乏人之襄助遇有過往人犯收管局內又不免疏失之虞北路雖設有印委各官而舉目荒涼民氣未復亦與南路情形大畧相同且查新疆戶民種類繁多風氣不一語言文字制度儀文衣冠嗜好各自為俗南路以纏頭 布魯特族類為最重蒙古次之漢回又次之北路以哈薩克族類為最重蒙古漢回次之而滿漢子遺之民則兩路均寥寥無幾該民人等久違 聲教初就範圍以牧羣之馬一時雖勉受羈勒其奔軼之性究難猝除臣再四思維惟 有於犯案到案後動輒勒結其尤不法者予痛懲庶幾各處羣生畏憚若擬於文法不遠數千里輾轉解勘不獨發解收管事務為難而遷延日久縱將重犯處以嚴刑愚民事過即忘亦將熟視無睹不足以震動其心昔漢朝初定關中除 秦苛政約法三章殺人者死傷人及盜抵罪厥後班超平定西域亦誠受代之任向以水清無大魚察政不得下和宜蕩佚簡易寬小過總大綱任向不從卒至變叛記云修其教不易其俗齊其政不易其宜誠以軍旅之後荒遠之區尤當蠲除煩 苛與民休息不可以常例拘也伏查乾隆元年平定黔省苗疆開闢郡縣欽奉 諭旨苗民風俗與內地百姓迥別後苗民一切自相爭訟之事俱照 苗例完結不必純以官法等因欽此仰見 高宗純皇帝慎重苗疆 聖意淵深無微不至雖新疆久入版圖似非初開苗疆可比然道里綿長台 站疲困種類錯雜俗尚紛歧欲一旦用夏變夷遠臻上治實未易言臣上年在喀什噶爾行營曾將命盜案辦法咨商左宗棠旋准咨覆歷代撫馭邊 氓立法最宜簡易現在所辦各節因地利制宜本無不合惟草創伊始應俟改設行省後由新疆督撫體察情形 奏咨辦理刻下如有前項案情即飭 各善後局員酌量擬辦覆核遵行等因咨行到臣左宗棠旋即交卸北上臣自維資庸庸愚不諳吏事驟膺拔擢權攝 欽符並奉 特旨暫轄哈密 鎮道所屬文武地方官職任愈重兢惕滋深而改設行省又非一時所能就緒區區愚昧之見不敢緘默不言合無仰懇 天恩俯念萬里窮邊與 內地省分情形不同 飭將新疆南北兩路命盜案件暫行變通辦理俾得就地迅速審擬完解由臣按季摘由彙奏一面咨部立案似於撫治邊防 大有裨益臣仍當會同幫辦軍務伊犁將軍臣金順護理陝甘督臣楊昌濬烏魯木齊都統臣恭鐸署辦軍務廣東陸路提督臣張曜督飭各善後 局員各印官於一切重案悉心研鞫勿任刑求務期無枉無縱定讞具詳再行逐細覆核飭行以仰副 朝廷明罰救法刑期無刑之至意所有新疆 命盜案件擬請暫行變通辦理緣由恭摺具陳伏乞 皇太后 皇上聖鑒訓示施行謹 奏軍機大臣奉 旨著照所請刑部知道欽此

新 城 羊

七月初三日 督撫憲轅報 候補同知劉家柱稟到由汲水門廠同候補同知承恩稟銷解 京餉差候補通判陳金鑄稟到解私土來省准補東安縣陳自新稟謝飭知候補縣杜鹿鳴稟 辭往靈山催交代冊候補同知龍德潤稟到解蠟貢由京回先用同知多齡南海縣徐俱稟知 委會同府縣赴局清理交代仰廣甯縣溫稟辭往肇慶會算交代藩庫大使宋稟知放八旗兵 餉○捐助國費 三水省江長洲團練與石角團相毗連前年石角團被水冲決由愛育堂勸 捐修築至今磐石相安咸稱鞏固而長洲團亦遭水患冲決堤基由閩邑紳民稟請大憲撥款 修築是年四月初二日水漲發復遭泛溢冲決新基口數十丈農田均為淹沒現聞團倡 議修築無如連年水患民力告竭覓食艱難籌費不易昨日是處紳民出有佈啟遍貼省垣借 助殷商行舉善事俾得築復新基農田有賴而晚獲不致缺如實為慰便云想好善之士自當 解囊相助矣○督憲批詞 茲聞有職員王乃斌赴督轅呈遞請整頓鹽務二十七日督憲批

中 外 新 聞

論不宜批斥控賭 粵東賭風甲於天下雖經官憲迭定新章加重罪名嚴密查辦而 賭館則朝封暮開賭徒則明目張胆近更聯同一氣暗中設有規條籌有公款某館被 人告發則公同打點某館被官查封則公同領回無論大小衙署自書閣以至差役皆 其黨與也無論水陸營汛自員弁以至兵勇皆其同夥也語其伎倆則可以通天言其 財勢則可以懾俗而官以一身臨乎其上雖甚廉明亦祇如傀儡然任牽線者之拉扯 而已固不啻玩弄諸般掌之上也故數年以前遇有不知自愛紳士以控賭而為案規 之計賭徒向心存忌憚志深斂抑苟可融通即託蓋地保從中說合計以規費隱忍 了事今則任控莫奈即朝稟縣府夕稟司道甲遞一呈乙遞一呈彼亦毫無懼色且揚 揚自得宣言於稠人廣眾之中曰某某者亦欲得規規抑何其不自量也若經批出則氣 必沮矣若與質訊則計立窮矣而官亦素稔粵俗凡為紳士者不以低行獨名為務而

澳 門 近 事

澳門自開投開姓一事竟致獄訟滋生物議騰沸此誠通商以來罕所聞見者也當澳督之 告控暨文以為港澳毗連不須知照其國領事而用一行商以代為辦理故葡人不免嘖嘖有煩言而謂澳 督擬奏葡廷請求卸任此事若確則葡廷將有批覆文書矣又傳投充開姓之王和以身屬職官突被 押情殊不甘特請狀師控諸公廷以分其曲直而伸其枉抑其所控者則公物會司理人也聞日西洋 官將特開一堂研訊其事而王和亦得出而赴案坐於狀師之側訴其始終實在情形以俟狀師為之詳 細研辦焉惟此二事均屬傳說之詞其是否尚未有確耗也姑照錄之以俟異日續有所聞再為登報○ 傳聞可笑 上海馬福利西字報云現道路傳說李爵相經中朝命為十八省大元帥此事屬實否尚未 得其詳蓋人言如是而已按中朝官爵並無此等職銜其或入宅百揆出總戎兵要亦不過數省經略而 已矣西報多以子虛之說創為不經之談所謂道聽途說者也姑照譯之以登諸報聊備覽觀○車路與 工 前錄法國駐劄越南各官擬在改貢建築車路遞至租倫地方以便運載客貨利於貿易今聞業已

英 國 郵 報

六月初八日倫敦信息 云近日阿爾蘭之非尼士人異常猖 獗不肯俯遵約束每與官差為難聞 非尼士人每欲焚燒下和甸加素城 此乃西官忌辣士頓所居也又欲焚 燒治些亞城之咽喉大會堂此又威 士文士達地方某公爵所聚會者也 想此二人必有不治於非尼士人之 心故挾憾尋仇幾不欲相安於無事 者歟○俄國近耗 聞俄國朝廷議

以怯勢詐財為心未得規則控賭既得規則則賭視為固然不知怪心竊鄙之於是接有控賭呈詞輒好為逆億曰此必索規未遂而以煩瀆者勞我精神也且將以上控者累我稟覆也遂批明索規字樣以提 訊為開口奪氣之謀以冒名為杜弊過刁之法賭徒因此胆愈張計愈巧而官遂受其蒙蔽而不自知矣竊以為藉攻訐以行索詐情雖可惡而官則甚公果地方官查賭必力禁賭有方弊絕風清匪徒欲逃則劣 紳雖欲得財又何從得所藉口以僕僕赴訴於公庭今既指出此賭之人聚賭之地則賭徒之視國法如弁髦禁賭者自開藐官玩法其罪有在矣身為民牧閱此稟詞不自咎毫無覺察形同羣 嘖而反坐控者以訛索之罪其果富於情理乎且控賭者有罪則開賭者無罪非賭者更無罪可於言外得之吾甚惜其欲以挽風俗之類其益尚小而暗以張匪徒之謬者其害甚大也何也官民之情在今 日每苦於不能相通達凡有以言來告者官宜開誠布公以納之平心靜氣以察之其言是輒固當次第見諸施行其言非輒亦宜明白為之指示固不可因其言以疑其人又不可因其人以棄其言也凡聽言之 道悉當如是而開控賭之稟尤宜先分其邪正次審其虛實以為辦理似不必亟亟然為較其是非之所在也蓋開賭者雖邪而亦正開賭者其言實則控賭者亦實而非虛官惟有立往查 封其館捕獲其人盡法懲辦倘聞風先遁則飭差勒限務獲被控之人到堂訊究斯已耳似不必於原告有所留難也且今之以控賭為可惡者以其訛索規費耳夫規費出自賭徒何關官稟以為杜弊端豈熟視 聞賭而若無所見者乃為無弊乎以為遏刁風豈相率庇賭而扶同作弊者乃真不刁乎與言及此想亦不禁啞然失笑也總之賭徒掩覆之工勢力之大至今日已無與比倫倘賴有此食劣之紳為蹈其瑕而發 其覆控賭者既多則禁賭者必不敢懈控賭者既眾則開賭者猶有所忌古有以毒攻毒之法於此事亦然無人不欲索規即無人不欲控賭而開者不能偏給以費庇者不甘稍分其潤由是官可欺紳不可欺官 可蔽紳不可蔽而劣紳目耳之所及即官憲目耳之所及有賭必知無犯不捉則法立令行而積習將廓然一清矣如是雖有劣紳又何有可為攻訐可為訛詐乎將見弊端不期杜而自杜刁風不期遏而自遏也

欲新造兵船九十五艘每年定限建造數艘而以二十年為期用竣厥工云○法國近報 聞法國之紐端尼士者至今尚有雄兵十萬調往端 尼士境蓋法人之意必欲征服其眾也又聞法廷恐歐洲各國因此事與之不睦故倍加防備而遣重兵馳往端尼士以期先聲奪人莫敢生心 也先是意大利國民因與法兵角口以致挾恨尋仇每欲與兵開仗而土耳其機國亦因端尼士之役與法不睦故法人特為慮及也○美邦近耗 六月十二日美都華成頓信息云總統被鎗擊傷初以為必死後覺日有起色眾心始安現經醫士盡心為之調理可以不日傷痕悉行平復 矣○印度郵報 六月初三日印度亞利希格遞到信息云阿富汗國馬威茂希申汗及押都刺汗所帶之兵會與希爾汗兵士開仗兩軍俱有 死傷而莫悉其數希爾汗卒不能取勝已退回那澳辣地方矣○土人肆虐 六月初七日雪梨遞到信息云初六日有華人被土人以石擲 破頭血流如瀉即昇往醫院調治而土人不知何往現經官出票緝拿以便歸案訊究焉○新金山近報 六月十一日新金山遞到信息 云昨有澳順火船到埠經官查驗船中人等並無出痘及患病之人遂將船中華人八十名附搭亞刺華達輪船載往紐西倫倫有七十二名則到 大埠其餘盡載往雪梨聞澳順火船若貨起清則往紐加蘇華而取道以回香港云○船炸水鑊 紐西倫倫有地名威靈頓者亦一通商口岸 鐵線遞來信息謂昨有煤炭船之水鑊偶兩炸裂傷有七人幸無致命者當炸裂之時附近之船窗上玻璃亦被震裂則其勢之大可想而知也

政司後街劉菊坡四舍弟接教
主人晉三氏謹啟

萬安保險有限公司

敬啟者本公司於二月十五日開辦承保往來各埠貨物諸君賜顧請隨時移玉至上環水坑口門牌第二號本公司寫字樓便是特此佈聞

光緒七年二月吉日 啟

司理郭恩榮謹啟

流毒莫甚於鴉烟人皆知其害莫
其源然此實關氣數似非人事所
者今聞香山陳友忽於一夕夢中
指示云謂欲止鴉烟禍者必須
如此醒而異之揣度其言亦果有
食者免罹陷阱既食者可出苦海
鴉烟爲患滋蔓難圖此神莫非有
世道乎雖夢幻無憑亦一奇事乃
神所示之法陳友云必待可行而
言否則空談無益耳

豐永記雜貨店生意原係十大股
何錦新沽一股何錦新在店司事
年底止何錦新支去老本之外再
錦新自願永遠退股前不在店經
生意舖底貨物賬項架生一概撥
之後廣萬豐永記生意盈虧不干
已名下欠人家借項會項係何錦
記之事至 貴客欠到廣萬豐永
取合併聲明謹此佈告

啟者本號兄弟子姪衆多
自後凡有往來出入揭借
銀及賸剩貨物担保等件
必經郭硯溪親手簽名方
爲實據如無郭硯溪簽名
惟向經手是問與本號無
涉先此聲明以免後論
光緒七年 正月二十日
香港發興號郭硯溪郭肇

西牙痛牙鑲牙疳穿腮一切牙患
方脈通奇難雜症數習及電學
必效之藥其鑲牙之法係用洋
膠爲庫若口內半齒無存皆能全
骨有若天然生就實假難分價
所以金銀痛而深者脫之即可不
復謹此奉佈諸君賜教請移
背後街壹百零七號有鑲牙醫
政司後街劉菊坡四舍弟接教